

青縣志

卷之四

丙

青縣志卷之四

輿地志四

古蹟

自來談輿地者建置而外率徵古蹟以其關於典要也青邑闢土前漢至今逾二千年而兵禍恒經竟鮮歷劫不磨之蹟其見於經史最早者祇餘禹時徒駭一河此外則考諸載籍雖在此邦證以確憑概屬渺焉莫覩今爲慎重考訂旨在與史事興替兆民觀感有關分山川城鎮堤壘祠墓壇廟驛遞亭台七目不論形迹存否悉予登載以符邑志之通例云爾

山川

鄭漁仲有言州縣之設有時而更山川之形千古不易其說以爲志輿地者必先注意於山川說誠是矣顧山川者形雖不改名則隨時

而變遷典籍傳播動滋疑竇況高岍爲谷深谷亦可爲陵滄海成田桑田亦或成海形之不易又豈顛撲不破之論耶爲考古計今將邑境山川曾爲前人稱道者逐一紀載而論列之其現行河流尙與地方有利害關係者則另叙次於疆域篇河渠門茲不贅

中山 在縣南二里衛河西岍山方輿紀要謂山巖聳峙懸瀑數十丈俗呼爲高士岡禹貢錐指亦同並謂元王充耘據以爲禹貢之碣石古人嘗鐫銘其上云云今爲土阜

西山 在縣西南五里方輿紀要謂四周高峻其頂平衍昔人常立營砦於此廣輿記謂昔有數十家居此多茂林修竹今故跡無存

按縣境久已無山各書所紀多涉鋪張大抵一書附會輾轉傳鈔恐難盡信舊志又謂中山相傳唐陽城隱居於此瀑布飛流如猿

啼鶴唳之聲而滄州志亦云州治北三里有條山爲唐陽城隱居之所惟考唐書陽城傳城所隱爲中條山地理志中條山在蒲州今滄州以條山誤爲中條山青縣亦以中山誤爲中條山殆所謂文士例有好奇癖明知其妄姑自欺者耶天津府志曾論駁之今刪去是說而姑據諸書臚列兩山以存掌故

大河故道 夏禹治河歷年久遠自積石以下至今河南滎澤縣以

上四千餘年未之或改滎澤以下則因平原廣漠土鬆少石河流遂

遷徙靡常歷爲民害而聚訟諸說以興考史記河渠書謂禹導河至

於大伾廝二渠以引河北載之高地二渠一爲漯川自黎陽大伾山

南東北流至千乘今山東利津縣界入海其一則河之經流自大伾山西南

折而北流至列人漢縣今肥鄉縣界斥章漢縣今曲周縣界縣界合漳水自此東北

入海其後河益南徙漳水遂專達於海皇朝文獻通考謂自列人斥
章以下凡水經所載漳水經行之地皆爲禹河故道並證以當時輿
地定爲禹河自河南滎澤縣北東流經原武延津縣河北岸爲新鄉縣汲縣又
東北流經滑縣西北濬縣西南至大伾山折而北曰宿胥口始爲東
河又東北厯湯陰安陽臨漳三縣入直隸境經大名府之魏縣廣平
府之成安肥鄉至曲周縣合漳水即古澤水又東北經順德府之平鄉廣
宗至鉅鹿縣則大陸澤在焉又東北經冀州之南宮新河二縣經本
州境及衡水武邑二縣又東北經保定府之束鹿縣深州及武強縣
又東北經河間府之阜城獻縣交河三縣天津府之滄州及青縣靜
海大津三縣皆禹時冀東瀕河之地皇朝通志地理略所載亦同是
大河在禹治水時經由邑境入海無疑矣再按皇朝文獻通考謂河

自禹迄元明之世凡五大變其一爲周定王五年河徙自宿胥口東行漯川至長壽津與漯別行又東北至合口會漳水至章武縣入海水經所稱大河故瀆是其二爲王莽始建國三年河決魏郡泛清河至千乘入海後漢王景修之遂爲大河經流而北瀆一空其三則宋仁宗慶厯八年河決商胡分爲二派北流合永濟渠至乾寧軍入海東流合馬頰至無棣縣入海二流迭爲開閉直至元符時東流斷絕北流獨行宋史河渠志所載是其四則金章宗明昌五年河決陽武堤分流一北流由北清河至利津入海即今道一南流由南清河合淮入海於是清滄之間河流遂絕其五則元至元中河徙陽武縣南又旋值會通河成北流漸微迨明孝宗弘治八年築塞黃陵岡而北流遂斷河盡入淮矣綜核是說第一變河由合口合漳水至章武縣入

海所經過者爲徒駭舊瀆卽邑境之濰沱別河是也第三變合永濟渠至乾寧軍入海則河所經行者永濟渠下游卽邑境之衛河是也証以宋史大觀元年乾寧軍報河清因於二年改軍爲清州其說益可徵信

清咸豐五年河決銅瓦廂復改道北清河至利津縣入海是五變之後又一大變矣因與本文無關故不贅

徒駭河故道 禹疏九河齊桓公塞其八惟徒駭最北尙存秦漢以後九河久湮茫昧難辨獨漢書地理志以爲徒駭河卽濰沱河後之言治河者率祖是說或謂濰沱河發源山西繁峙縣泰嶺山非由大河分流似爲可疑但考九河之名不必由大河旣分而後得戈濰獻縣志謂恒山以東濟南以北古自有此九河禹導大河至大陸北下漸次於兩岸疏之以各從諸河之流因本有之河分受大河之水所謂行所無事不必剏鑿而剏名之濰沱之爲徒駭可以無疑其說諒

矣胡渭著禹貢錐指又謂漳水自鉅鹿又北歷南宮新河冀州束鹿深州衡水武邑武強阜城獻縣交河青縣靜海大城寶坻至天津衛注於渤海卽古徒駭河之故道則鉅鹿以上漳自爲漳鉅鹿以下漳水藉徒駭而行實輿大陸北下之漳沱同出一轍亦與周定王五年河徙宿胥口至合口會漳水至章武縣入海之說若合符節也總之自禹之後宋代以前河水由邑境經行入海固不止徒駭一流而邑境漳沱別河卽爲禹時徒駭故道証以諸說自不同牽強附會也

按宋史張商英請開木門泄徒駭河東流今縣西南三十里有木門店又書經傳說彙纂九河攷今滄州之西交河之東北六十里有徒駭河卽漢漳沱云云其地適居漳沱別河上流亦其證也

漳河故道 漳有清濁二流而皆發源於山西清漳出樂平縣之少

山大黽谷濁漳出長子縣之鹿谷山

此據漢書水經謂出長子發鳩山鄠注謂鹿谷與發鳩連麓而

在南淮南子謂之發苞山魏書地形志又云濁漳出長子縣之連山胡渭錐指云鹿谷發苞連山皆發鳩之異名

東流至河

南林涉兩縣接界之交漳口

即田家嘴

與清漳合入直隸磁州界及廣平

縣南分爲二支南支由大名館陶入衛與邑境無關北支流至山東邱縣又分爲二一自邱縣東行經威縣南宮棗強武邑景州阜城交河至縣南李三橋入青縣境北行至杜林鎮祝河嘴俗稱爲老漳河一自邱縣北行經廣宗平鄉鉅鹿至寧晉縣會滏陽河又北抵冀州會滹沱河俗謂之新漳河亦曰小漳河自此而下厯衡水武邑武強入獻縣完固口東流由單家橋淮鎮北折入青縣杜林鎮祝河嘴與老漳河合卽新漳所入之滹沱別河也漳滹合流之處古稱合口卽今杜林鎮南大渡口村西迤邐東北行五十餘里至青縣南鮑家嘴

汶河口入衛此漳河未廢時之概略也迨康熙三十六年漳水陡由

南支仍注館陶

或謂康熙四十年事

北支寢微四十七年入邱之路塞全漳歸

衛五十四年復築堤館陶障勿使北而北道湮矣

舊志按語云漳濬由青入衛水過沙停運道頻慮淤淺一遇水漲
下游又苦衝突爲患自濬沱歸併子牙漳水改流南徙衛河既無
淤墊之慮而上游復得全漳之助運道之通利莫若此時矣顧當
日或合或否其說亦復不一水經注白溝東北流逕羅勒城東又
東北漳水注之羅勒城在館陶之西白溝卽今之御河則漳之分
流入衛自古已然而顧祖禹方輿紀要云元時資漳以助運始引
流于衛非也水經又云濁漳至昌亭

卽古東昌廢縣在今武邑縣東

與濬沱河會

又過成平縣南

成平縣在交河縣東

合清河清河卽白溝也則漳之合濬沱

而入衛亦自昔有然而胡三省地理通釋云漳舊入河自河徙而南遂自達於海其說尤謬酈道元以漳漳合清河處謂之河口方輿紀要青縣南有合口鎮其地當在今大渡口左近然則杜林故瀆謂爲漳水故道也可謂爲漳沱故道也亦可按上說未盡是以其辨析當時運道情形與漳河沿革有關故附錄之以備參考

子牙河故道 子牙河者漳沱河之下游也考漳沱河自獻縣完固口以下分爲二支一支由單家橋經交河縣境流入青境杜林鎮與漳河會即漳沱別河是一支北由臧家橋經河間大城靜海等縣滙三角淀至天津入海卽子牙河一名鹽河又曰沙河其流本不經由邑境邑境之子牙故道則指廣福樓村前新河口以下之河道而言原廣福樓以南連接三支黑龍港滙流之道統稱爲黑龍港河其廣

福樓以北則舊自小河村後入大城縣境又經靜海縣境之閻莊北至大瓦子頭後於康熙年間在廣福樓開挖新河引水向東北流迤邐經靜海境東灘頭村直至賈口入淀今亦稱子牙故道

土人則呼爲黑龍港

河以與黑龍港銜接一氣故也

再按乾隆二十九年直督方觀承查辦水利疏云子

牙河故道一由完固口經黑龍港分東西中三支皆下注新河口入於東淀嗣子牙改由臧家橋之後三支黑龍港遂爲獻縣一帶瀝水所歸云云據此是三支黑龍港皆子牙故道也特空城村以上旣分名三支黑龍港斯子牙故道之稱爲其所掩耳

舊志按語云康熙三十九年欽奉上諭於獻縣河間子牙河東西兩岸高築長堤西接大城東接青縣靜海縣雙堤屹然各二百餘里又於東堤廣福樓地方地名焦家口開新河以分子牙河之勢

俾東北流至賈口入淀復於焦家口分流之處建挑水壩逼子牙之溜移入新河康熙四十一年春仁皇巡幸子牙河經由廣福樓有御製巡子牙建壩詩一章今石碣猶在廣福樓云云據此則子牙故道下游當時變遷情形概可想見矣

清聖祖御製巡子牙河建壩詩暫別宮槐幸子牙近村處處少人家清和微暑浮畦麥綠樹初陰接岸沙隄外草荒艱籽粒淀中水淺捕魚蝦黃童白叟望霖雨霖雨先施莫自賒

清河故瀆 舊志引康熙志云在縣西南其相近又有湛河泗河共三河皆無源為交河縣雨潦洩水之渠北至魚兒莊注於南淀又引畿輔通志云清河漳水支流也自交河縣西南界北流經富莊驛又東經縣東北六十里張家橋又東五里散流入於濬沱俗名清河頭亦名運糧河相傳五代梁時趙王鎔於此運糧以餉晉師故名

以上舊志

引幾輔通志

考其故道上自武邑縣馬回台村起逕交河縣境北至清河

頭村尙有河槽以下則由賈家引河

按邑人劉天誼批註舊志謂在交河縣文家廟北

新挑

二溝

原註乾隆四年制府孫嘉淦挖

分洩入漳河故道至青縣二十六戶

按此村距李三橋村

南三里今廢

抵祝河嘴入舊滹沱河陳觀察儀集王總河新命於大渡口

開橫河一道通清河之流云云

以上皆節錄舊志語

今按清河故道原自交河

界入境經二十六戶李三橋和尚辛莊等村北流歷許家莊賴家莊王祥莊半邊樓兩連莊以下至魚兒莊入於南淀與滹沱河各自分流即康熙志所述情形是自陳儀集等於大渡口以東開挑橫河清始入滹而許賴等莊以下至魚兒莊一段遂成廢河即舊志所述情形是迨河之上游來源斷絕自二十六戶至橫河一段亦僅爲宣洩瀝水之渠故舊志概稱爲故道也

濰沱下游故瀆 自大盤古村北引河頭起至鮑家嘴岔河口止約長十里於乾隆二十九年經直隸總督方觀承奏准在盤古廟西北十里窪向西挑挖引河一道導濰沱之水入東支黑龍港以致由盤古至岔河口一段盡歸荒廢今舊跡猶存

興濟減河故瀆

在縣南興濟鎮北三里大掃灣東岸明成化三年

因會通河

即衛河

河水泛漲浚此河以殺其勢後堤岸圯塌水旁溢爲

民田害嘉靖十五年都水司郎中楊旦奏請開濬以興濟知縣王朝相董其役仍舊跡疏鑿東北流至岐口會捷地減河入海共長九十六里其在蔡家莊以西屬青縣者長四十五里蔡家莊以東俱屬滄州自壩口至土橋歸興濟巡檢管土橋以東歸李村巡檢管李村巡檢滄州所屬也其興濟減河修堤植柳放水等事皆其專司雍正四

年怡賢親王奉命查修水利奏請於往時設閘之處修建石閘以時
啟閉衛河不致泛濫者實減河分洩之效也迨乾隆三十六年高宗
純皇帝巡幸山東其時因制府楊公廷璋有於天津城西芥園左近
建減水壩之議聖意以其逼近津城命於上游另擇善地適御舟經
行興濟見運河底水寬裕恐閘壩有所壅蔽諭令改閘爲壩每年設
立歲修以除淤積至今遵行不替壩口有御製詩碣以上皆舊志今按此
減河自海運一行漸成枯瀆僅沿河一帶積潦間或貯之所關亦甚
微矣然古今興廢至不可知河渠固邑之大事也茲將怡親王原疏
乾隆諭旨御製詩及裘曰修方觀承等各原摺逐一附錄於後以備
查考

怡親王疏云查滄州之南有磚河青縣之南有興濟河乃昔年分減
衛水之故道也今河形宛然閘石猶存應請照舊疏通於往時建閘

之塘築出口減水壩以開洩河水之漲又可請於二河之委應開直河一帶積滌亦併
得藉水利消洩且青海靜海天津數百里遇天時亢旱則引膏腴之壤溝洫
通而水以利溥滄青靜海天津數百里遇天時亢旱則引膏腴之壤溝洫
乾隆三十六年二月上諭今日御舟過興濟閘閱視大慨情形似宜
僅用減水石壩不應更立閘座該處河道本極深闊通當春令水淺之宜
時底水猶然寬裕以朕所御安福艦而行無碍無庸更資閘座節蓄當送
尙屬便利則江廣重運糧艘盡足遄行無碍無庸更資閘座節蓄當送
時能立不藉其洩利而致一漫溢運河盛漲拆去閘窄小改作減水石壩使河流
漲滿平暢洩方今爲因地利宜已遲道或將舊底有閘高底出河面約五六尺改爲滾水
壩坦之勢以無稍壅滯並將此游引長河及歧口入海處所逐層疏導俾成
建瓴之勢無稍壅滯並將此游引長河及歧口入海處所逐層疏導俾成
積久而致溢虛設昨楊廷璋比今尙餘三尺並無慮重運之淹浸田廬而此
工庶不致溢虛設昨楊廷璋比今尙餘三尺並無慮重運之淹浸田廬而此
興濟以下盛漲朕昨親臨之處議于覺其地距天津城園太左近添設減水壩一
座以洩盛漲朕昨親臨之處議于覺其地距天津城園太左近添設減水壩一
因諭周元理詳悉勘度形勢於上游復有捷安善閘之地或照此一鑾再行
閼定今思此處若果宣洩得勢其上游復有捷安善閘之地或照此一鑾再行
辦運河有此兩壩減水似暢亦無碍遇即漲從前南巡時觀視清水廷璋所
議芥園壩有工即不再添水似暢亦無碍遇即漲從前南巡時觀視清水廷璋所